

Sarkina Bt Mat Saad @ Shaari

From: Unit Komunikasi Korporat
Sent: Wednesday, July 11, 2018 9:24 AM
To: UUM - All Staff; UUM - All Students
Subject: IBS UUM Latih Profesional Kewangan Islam Di Bosnia



11 JULAI 2018 / 27 SYAWAL 1439H

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Siti Fatimah Abdullah
Gambar: IBS UUM

IBS UUM LATIH PROFESIONAL KEWANGAN ISLAM DI BOSNIA



UUM ONLINE: Dua pensyarah Pusat Pengajian Perniagaan Islam (IBS) UUM telah dijemput menjayakan dua sesi Summer School Sarajevo 2018 yang berlangsung di Perpustakaan Gazi Husrev-Bey, Bosnia dan Herzegovina, baru-baru ini.

Dekan IBS, Prof Dr Asmadi Mohamed Naim dan Prof. Madya Dr. Zairani Zainol masing-masing membentangkan tajuk Tapisan Syariah untuk Perniagaan dan Kewangan bagi Unit Amanah serta Kontrak dan Produk Yang Diaplikasi Oleh Perbankan Islam.

Prof Dr Asmadi berkata, Summer School Sarajevo 2018 berkisar tentang kewangan Islam menarik penyertaan peserta daripada Eropah dan Asia Barat.

Jelasnya, program itu merupakan anjuran European Association of Islamic Economics, Banking and Finance (EUIEBIF) dan School of Economics and Business, Universiti Sarajevo, Bosnia.

Menurutnya, pembentangan tersebut turut disertai ahli panel lain terdiri daripada pakar dari United Kingdom, Turki dan Bosnia.

Sementara itu, Prof Madya Dr Zairani Zainol berkata, dia teruja berkongsi ilmu secara asas dengan pelajar dan golongan profesional mengenai kewangan Islam dengan mengambil contoh model pembangunan di Malaysia dari awal hingga kini.

Menurutnya, Mereka sangat berminat mendalami bidang itu dan telah mengadakan perbincangan lanjut tentang isu yang dibentangkan.

“Bosnia mempunyai 52 peratus penduduk beragama Islam, sekali gus menunjukkan potensi halal terbuka luas termasuk produk dan kewangan Islam apatah lagi Bosnia berharap untuk menjadi pintu masuk industri halal bagi benua Eropah.

“Banyak perkara yang dibincangkan seperti perkembangan halal serta mempromosikan IBS di persada dunia.

“Saya nampak peluang perkembangan halal, kewangan Islam lebih terbuka namun penghayatan Islam masih kurang dan mereka hanya mempunyai sebuah bank yang mengamalkan kewangan Islam,” katanya.

Pengarah Summer School yang juga Pengarah Pusat Kajian Kewangan Islam, Universiti Sarajevo, Prof Dr Velid melahirkan setinggi-tinggi penghargaan kepada UUM yang berkongsi ilmu dan memberi manfaat yang besar kepada para peserta.

Beliau amat berharap kerjasama yang terjalin erat akan berterusan selain menjadi penganjur bersama dengan pihak persatuan dan Universiti Sarajevo.

DARIPADA:
UNIT KOMUNIKASI KORPORAT
UNIVERSITI UTARA MALAYSIA
04-928 3048/3049/3052/3061
04-928 3053
ukkuum@uum.edu.my
Universiti Utara Malaysia (Official FB)



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.